



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De die æternitatis, & huius vitæ angustijs. xlviii

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

CAPVT XLVII.

Quod omnia grauia, pro aeterna vita, sunt toleranda;

1. **F**ili, non te frangant labores, quos assumpisti propter me, ne tribulationes te deiciant usquequaque; sed mea promissio in omni euentu te roboret & consoletur. Ego sufficiens sum ad reddendum, supra omnem modum & mensuram. Non diu hic laborabis, nec semper grauaberis doloribus. Expecta paulisper, & videbis celerem finem malorum. Veniet vna hora, quando cessabit omnis labor & tumultus. Modicum est & breue, omne quod transit cum tempore.

2. Age, quod agis; fideliter labora in vinea mea, ego ero merces tua. Scribe, lege, canta, gemitus, tace, ora, sustine viriliter contraria, digna est his omnibus & maioribus praelijs vita æterna. Veniet pax in die una, quæ nota est Domino, & erit non dies neque nox huius scilicet temporis, sed lux perpetua, claritas infinita, pax firma, & requies secura. Non dices tunc: *Quis me liberabit de corpore mortis huius?* Nec clamabis, *Hei mihi, quia incolatus meus prolongatus est:* quoniam præcipitabitur mors, & salus erit indefectiua, anxietas nulla, iucunditas beata, societas dulcis & decora.

3. O si vidisses sanctorum in cælo coronas perpetuas; quanta *Sap. 3. &c. 5.* quoque nunc exultant gloria, (qui huic mundo olim contemptibiles, & quasi vita ipsa indigni putabantur:) profectò te statim humiliares usque ad terram: & affectares potius omnibus subesse, quam vni præesse, nec huius vitæ letos dies cōcupisceres, sed magis pro Deo tribulari gauderes; & pro nihilo inter homines computari, maximum lucrum duceres.

4. O si tibi hæc saperent, & profundè ad cor transirent, quomodo auderes vel semel conqueri? Nónne pro vita æterna, cuncta laboriosa sunt toleranda? Non est paruum quid, perdere aut lucrari regnum Dei. Leua igitur faciem tuam in cælum. Ecce ego, & omnes sancti mei mecum, qui in hoc seculo magnum habuere certamen; modò gaudent, modò consolantur, modò securi sunt, modò requiescent, & sine fine mecum in regno Patris mei permanebunt.

CAPVT XLVII.

De die eternitatis, & huius vita angustijs.

1. **O** Superne ciuitatis misericordia beatissima. O dies eternitatis clarissima, quæ nox non obscurat, sed summa veritas semper irradiat, dies semper leta, semper secura, & nunquam statu mutatis in contraria. O utinæ dies illa illuxisset, & cuncta hæc temporalia sine acceptatione, pessima,

404 DE IMITATIONE CHRISTI
pissent. Lucet quidem sanctis perpetua claritate splendida, sed non nisi à longè & per speculum peregrinantibus in terra.

Iob. 7.

2. Norunt cæli ciues, quam gaudiosa sit illa: gemunt exules filij Euæ, quod amara & tædiosa sit ista. Dies huius temporis parui & mali, pleni doloribus & angustijs; ubi homo multis peccatis inquinatur, multis passionibus irrettitur, multis timoribus stringitur, multis curis distenditur, multis curiositatibus distrahitur, multis vanitatibus implicatur, multis erroribus circumfunditur, multis laboribus atteritur, temptationibus grauatur, delicia enerauntur, egestate cruciatur.

Rom. 7.
Psal. 70.

3. O quando finis horum malorum! quando liberabor à miseria seruitute vitiòrum? Quando memorabor (Domine) tui solius? Quando ad plenum letabor in te? Quando ero sine omni impedimentoo in vera libertate, sine omni grauamine mentis & corporis? Quando erit pax solida, pax imperturbabilis & secura, pax intus & foris, pax ex omni parte firma? Iesu bone, quando stabo ad videndum te? Quando contemplabor gloriam regni tui? Quando eris mihi oninia in omnibus? O quando ero tecum in regno tuo, quod præparasti dilectis tuis ab æterno? Relictus sum pauper & exul in terra hostili, ubi bella quotidiana & infirmitas maxima.

4. Consolare exilium meum, mitiga dolorem meum, quia ad te suspirat omne desiderium meum. Nam onus mihi totum est, quicquid his mundus offert ad solatium. Desidero te intimè frui, sed nequeo apprehendere. Opto inhærcere cælestibus, sed deprimit res temporales, & immortificatæ passiones. Mente omnibus rebus superesse volo, carne autem inuitè subesse cogor. Si ergo homo infelix mecum pugno, & factus sum mihi meti spiritus sursum, & caro querit esse deorsum.

Rom. 7. & 8.

5. O quid intus patior, dum mente cœlestia tracto, & mox carnalium turba occurrit oranti, Deus meus, ne elongeris à me, ne que declines in ira à seruo tuo. Fulgura coruscationem tuam, & dissipas eas. Emitte sagittas tuas, & conturbentur omnes phantasia inimici. Recollige sensus meos ad te, fac me obliuisci omnium mundanorum, da citò abijcere & contemnere phantasmata viatorum. Succurre mihi æterna veritas, ut nulla me moueat vanitas. Adueni cælestis suauitas, & fugiat à facie tua omnis impunitas. Ignoscere quoque mihi, & misericorditer indulge, quoties præter te aliud in oratione reueluo. Confiteor etenim verè quia valde distractè me habere consueui. Nam ibi multoties non sum, ubi corporaliter sto aut sedeo; sed ibi magis sum, quod cogitationibus feror. Ibi sum, ubi cogitatio mea est. Ibi frequenter cogitatio mea, ubi est quod amo. Hoc mihi citò occurrit, quod naturaliter

Psal. 76.



uraliter delectat, aut ex vsu placet.

6. Vnde tu veritas aperte dixisti: *Vbi enim est thesaurus tuus, ibi est & cor tuum.* Si cœlum diligo, libenter de cœlestibus penso. Si mundum amo, mundi felicitatibus congaudeo, & de aduersitatibus eius tristor. Si carnē diligo, quæ carnis sunt s̄æpe imaginor. Si spiritum amo, de spiritualibus cogitare delector. *Quæcumque enim diligo, de his libenter loquor & audio, atque talium imagines mecum ad domum reporto.* Sed beatus ille homo, qui propter te Domine, omnibus creaturis licentiam abeundi tribuit; qui naturæ vim facit, & concupiscentias carnis feruore spiritus crucifigit. Ut serenata conscientia, puram tibi orationem offerat: dignusque sit angelicis intercessi chorus, omnibus terrenis foris & intus exclusis.

Matt. 19.

CAPVT XLIX.

De desiderio æterna vita, & quanta sint certantibus bona promissa.

1. **F**ILI, cūm tibi desideriū æternæ beatitudinis desuper infundi sentis, & de tabernaculo corporis exire cōcupisces, vt claretatem meam sine vicissitudinis vmbra contemplari possis, dilata cor tuum, & omni desiderio hanc sanctam inspirationem suscipe. Redde amplissimas supernæ bonitati gratias, quæ tecum sic dignanter agit, clementer visitat, ardenter excitat, potenter sublevat, ne proprio pōdere ad terrena labaris. Neque enim hoc cogitatu tuo aut conatu accipis, sed sola dignatione supernæ gratiæ & diuini aspectus, quatenus in virtutibus & maiori humilitate proficias, & ad futura certamina te præpares, mihiq; toto corde affectu adhærere, ac feruenti voluntate studeas deseruire.

2. Fili, s̄æpe ignis ardet, sed sine fumo flamma non ascendit. Sic & aliquorum desideria ad cœlestia flagrant, & tamen à tentatione carnalis affectus liberi non sunt. Idcirco, nec omnino purè pro honore Dei agunt, quod tam desideranter ab eo petunt. Tale est & tuum s̄æpe desiderium, quod insinuasti fore tam importunum. Non enim est hoc purum & perfectum, quod propria comoditate est infectum.

3. Pete, non quod tibi est delectabile & commodum, sed quod mihi est acceptabile atque honorificum. Quia si rectè iudicas, meam ordinationem tuo desiderio & omni desiderato præferre debes ac sequi. Noui desiderium tuum, & frequentes gemitus audiui. Iam velles esse in libertate gloria filiorum Dei; iam te delectat domus æterna & cœlestis patria gaudio plena, sed nondum venit hora ista; sed est adhuc aliud tempus, scilicet tempus belli, *Iob. 7.* tempus laboris & probationis. Optas summo repleti bono, sed non

Cc 3

non